




ZLATKO MILETIĆ

Dom naroda Parlamentarne skupštine BiH
Klub izaslanika hrvatskog naroda

Sarajevo, 14.06.2023. godine

PARLAMENTARNA SKUPŠTINA BiH
DOM NARODA
n/r: g. Nikola Špirić, predsjedatelj



Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) postavljam slijedeće

IZASLANIČKO PITANJE

U posljednjem slučaju koji se vodio pred Haškim sudom - Međunarodnim rezidualnim mehanizmom za krivične sudove, dana 31.05.2023.g., presuđeni su zvaničnici Službe bezbjednosti Srbije (tadašnje Savezne Republike Jugoslavije), Jovica Stanišić i Frenki Simatović, i proglašeni su krivim, što predstavlja historijsku prekretnicu kada je riječ o karakteru rata u BiH, da se u Bosni i Hercegovini nije vodio građanski rat, već međunarodni sukob kroz provedbu takozvanog „udruženog zločinačkog poduhvata“ (UZP) i ratne zločine koje su srpske snage počinile u Hrvatskoj i BiH.

Nakon što je utvrđeno učešće Srbije u ratu u BiH (i Hrvatskoj), postavljam pitanje – Predsjedništvu Bosne i Hercegovine i Ministarstvu pravde Bosne i Hercegovine, u dva konteksta, prvi:

- da li i kako institucije BiH, mogu pravno reagovati i iskoristiti ovu presudu po osnovu Statuta Međunarodnog suda, odnosno, da li će eventualno nadležna institucija (sa legitimacijom), službeno obavijesti Međunarodni sud u Hagu o mogućnosti razmatranja i eventualnog donošenja odluke o ponavljanju tužbenog procesa protiv R Srbije (kao pravnog sljedbenika Savezne Republike Jugoslavije), s obzirom na ključni dokaz da je Srbija bila umiješana u provođenje zločina u BiH (i Hrvatskoj) i da nije učinila ništa da ih spriječi,

- i drugi aspekt presude, koji se odnosi na žrtve navedenih ratnih zločina u BiH, imajući u vidu da postoji pravni osnov, da li novonastala situacija otvara institucionalnu mogućnost oštećenim građanima BiH, za pokretanje građanskih postupaka i parnica uključujući zahtjeve za reparaciju i ratnu odštetu, protiv R Srbije i učesnika UZP, odnosno, da li postoji mogućnost eventualnog „diplomatskog priznanja krivice i obeštećenja sudskom nagodbom“.

Također, molim Predsjedništvo BiH i Ministarstvo pravde BiH, da se očituju, da li će o sadržaju izjave objavljene u bosanskohercegovačkim medijima 10.06.2023.godine (snimka nastala vjerovatno 05.08.2022.g.) presuđenog ratnog zločinca Daria Kordića, obavjesti predsjednicu Rezidualnog mehanizma MMKS u Hagu u cilju razmatranja mogućnosti, revidiranja Odluke o privremenom puštanju na slobodu imenovanog s obzirom da je isti pušten ranije 8 godina i 4 mjeseca sa izdržavanja zatvorske kazne, posebno imajući u vidu, da se datom izjavom vrijeđaju žrtve počinjenog zločina, ruši međunarodni pravni poredak i ismijava međunarodna pravda, te afirmira i glorifikuje vlastito zlodjelo.

Molim odgovor od Predsjedništva BiH i ministra Ministarstva pravde BiH u pismenoj formi.

S poštovanjem

ZLATKO MILETIĆ